

Konferenca | Konferenz

Wědu šerić | Wissen Schaffen | Wědu šyriš

Skutkowanje Maćicy Serbskeje w 20./21. lětstotku | Zum Wirken der Maćica Serbska im 20./21. Jh. | Statkowanje Maćice Serbskeje w 20./21. stolěšu

Call for papers

W lěće 2022 woswjećimy 175. róčnicu załoženja serbskeho wědomostneho towarstwa Maćicy Serbskeje. Zaměr skutkowanja widžeše Maćica Serbska předewšěm w zběranju, zdobywanju a posrědkowanju wědy wo rěči, stawiznach a kulturje Serbow w Hornjej a Delnjej Łužicy. W najšěrším zmysle spěchowaše wona z tym serbsku identitu pod wšelakimi towaršnostno-politiskimi wuměnjemi a systemami w 19. a 20. lětstotku. Tež Maćica Serbska bě potrjechena wot zakaza serbskich towarstwow za čas nacionalsocializma. Po Druhej swětowej wójnje wožiwi swoju dźělawosć jako „Wědomostny wotrjad“ Domowiny, kiž eksistowaše hač do 1950. W lěće 1951 załoženy Institut za serbski ludospyt pokročowaše dźěło Maćicy Serbskeje w institucionelnej formje. Po politiskim přewróće 1989/90 sćěhowaše nowozaloženje instituta (jako Serbskeho instituta) a wožiwenje Maćicy Serbskeje jako zapisaneho towarstwa. Tři lětdžesatki pozdžišo zhladujemy na jeje skutkowanje w zaštych 30 lětach, zwjazujemy to z prašenjemi wo sebjezrozumjenju džensa a w přichodze kaž tež wo perspektiwach.

W srjedžišću konferency steji dźělawosć Maćicy Serbskeje / Mašicy Serbskeje (MS) w pózdnim 20. a zažnym 21. lětstotku z wotpowědnymi historiskimi kontekstualizacijemi. Jako zazběh do tematiki je předwidžane krótke wrócozhladowanje na historiske skutkowanje Maćicy mjez 1918 a 1949 kaž tež na předstawizny wožiwenja 1990/91. Wyše toho prócujemy so wo přirunowacu perspektiwu, mjez druhim hladajo na to, před kotrymi wužadanjemi steji džensa čestnohamtske (domizniske) slědženje (citizen sciences).

Sćěhowace ćežišća su předwidžane:

Předstawizny nowozaloženja

- skutkowanje MS za čas Weimarskeje republiki a nacionalsocializma
- MS 1945–1949/51
- wožiwenje MS 1990/91 resp. 1993 hač do nowozaloženja dnja 2.4.1991 (pozadki, zaměry, akteroj)

Maćica Serbska/Mašica Serbska po 1991

- skutkowanje a dźělawosć jednotliwych sekcijow a komisijow kaž tež MS w cyłku

- konferency, publikacije atd. – nadžělanje a šěrjenje wědy, wobdžělanje nowšich stawiznow / rozestajenje ze stawiznopisom w NDR-skim času
- poměr mjez Hornjej a Delnjej Łužicu
- mjezynarodne styki
- MS w regionalnym (němskim a serbskim) konteksće, kontakty k druhim towarstwam a institucijam
- MS w zestawje/strukturje serbskich institucijow

Čestnohamtske dźěło – wužadnje do přichoda

- Kotru rólu a funkciju móže, chce a dyrbi MS w 21. lěstotku spjelnić – w serbskim, regionalnym lužiskim a nadregionalnym resp. mjezynarodnym konteksće?
- Před kotrymi wužadanjemi steji džensa zasadnje čestnohamtske (domizniske) slědženje (citizen science)? Kak reaguja druhe towarstwa z regiona na to?

zarjadowar: Maćica Serbska / Mašica Serbska, Serbski institut

městno: Budyšin

termin: 25./26. nowember 2022

Přednoški měli někak 25 mjeńšin trać. Předwidžanej konferencnej řeči su hornjo- a delnjoserbsčina a němčina; poskićimy simultany přełožk do němčiny.

Prošu pósćelće nam Waše namjety (tema přednoška, zjeće z maks. 400 słowami a podaća k wosobje hač do **31.01.2022** z mejlku na: info@macica-serbska.de.

Anja Pohončowa (Maćica Serbska / Serbski institut, Budyšin)

Pěťš Šurman (Mašica Serbska / Serbski institut, Chóšebuz)

Friedrich Pollack (Serbski institut, Budyšin)